



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTKV 0019081 20
Sarajevo, 27.12.2024. godine

SUD BOSNE I HERCEGOVINE
SARAJEVO

- Sudiji za prethodno saslušanje -

Na osnovu člana 35. stav 2 tačka i) i člana 226. Zakona o krivičnom postupku BiH, p o d i ž e m

O P T U Ź N I C U

PROTIV:

1. MEHMEDAGIĆ OSMANA zv. „Osmica“, [REDACTED],
rođenog [REDACTED] 1962. godine u Sarajevu, [REDACTED],
[REDACTED] državljanina Bosne i Hercegovine,

Što je:

Osman Mehmedagić, kao službeno lice u smislu odredbe člana 1. stav 3. Krivičnog zakona BiH, i to kao generalni direktor Obavještajno sigurnosne agencije BiH (OSA BiH) na koju poziciju je imenovan odlukom Vijeća ministara BiH broj 188/15 od 19.11.2015. godine (objavljena u Službenom glasniku BiH broj 93/15) i koju dužnost je obnašao do 27.02.2023. godine kada je odlukom Vijeća ministara BiH broj 32/23 od 23.02.2023. godine razriješen dužnosti (objavljena u Službenom glasniku BiH broj 14/23), zloupotrebio svoj službeni položaj kako bi sebi omogućio dalji ostanak na funkciji i na taj način održao službeni i društveni uticaj i stekao imovinsku korist u vidu plate za funkciju za čije obnašanje nije ispunjavao uslove, na način da je, kada je poništena diploma Fakulteta za poslovne studije – Poslovno pravo Banja Luka [REDACTED] 2007. godine kojom diplomom je Osman Mehmedagić stekao zvanje "diplomirani ekonomista" i dana 15.11.2019. godine je u Službenom glasniku Republike Srpske objavljeno da je navedena diploma nevažeća (Službeni glasnik Republike Srpske broj 96/19), što je dovelo do toga da ovog trenutka Osman Mehmedagić nije ispunjavao uslove propisane članom 36. Zakona o obavještajno-sigurnosnoj agenciji BiH kojim je propisano da generalni direktor agencije mora imati visoku stručnu spremu iz odgovarajuće oblasti, i pored navedenog Osman Mehmedagić nastavio obnašati funkciju na koju je imenovan i za koju više nije ispunjavao zakonom propisane uslove za obnašanje iste, na koji način ne izvršava službenu dužnost koju ima u skladu sa članom 27. Zakona o OSA kojim je propisano da generalni direktora OSA BiH ima dužnost da oragnizuje, odobrava i nadzire aktivnosti Agencije u skladu sa zakonom, temeljem koje odredbe je Osman Mehmedagić imao obavezu

da aktivno djeluje na otklanjanju nezakonitog stanja koje je nastupilo oglašavanjem njegove diplome nevažećom, što isti ne čini; već Osman Mehmedagić iskorištava svoj službeni položaj u namjeri da sakrije činjenicu da isti ne posjeduje diplomu visoke stručne spreme i nastavi obnašati dužnost generalnog direktora OSA BiH, kao direktor OSA BiH, nepsoredno nakon što je njegova diploma visoke stručne spreme proglašena nevažećom, dana 06.01.2020. godine donio Instrukciju o pristupu i rukovanju fondom personalne dokumentacije zaposlenika Obavještajno-sigurnosne agencije BiH broj [REDACTED] kojom je na sve personalne dosije uposlenika OSA BiH, pa tako i na svoj personalni dosije stavio oznaku tajnosti "Povjerljivo", nakon čega su personalni dosiji prebačeni u sigurno područje OSA BiH; a nakon što je od strane Zajedničke komisije za nadzor nad radom Obavještajno sigurnosne agencije BiH pozvan kao generalni direktor OSA BiH da se očituje o navodima da isti ne ispunjava zakonom propisane uslove da obavlja poslove navedene funkcije i da prezentuje dokaz o tome da posjeduje odgovarajuću stručnu spremu za obnašanje dužnosti na koju je imenovan, na Trećoj sjednici Zajedničke komisije Parlamentarne skupštine BiH za nadzor nad radom Obavještajno sigurnosne agencije BiH ispred agencije čiji je generalni direktor dostavio pismeni podnesak Akt OSA BiH – dokaz o stručnoj spremi, broj [REDACTED], 2020. godine uz koji je dostavio dokaz o odgovarajućoj stručnoj spremi u vidu dvije diplome, jedna o stepenovanju sa Pravnog fakulteta u Sarajevu i druga kojoj je na Američkom Univerzitetu Tuzla stekao zvanje bačelora međunarodnog prava, iako je znao da na Američkom Univerzitetu u BiH – Tuzla nije nikada studirao niti je na ovom fakultetu stekao bilo kakvo zvanje, a do koje je diplome došao na nepoznat način; kojim postupanjem je članove Zajedničke komisije za nadzor nad radom Obavještajno sigurnosne agencije BiH doveo u zabludu da ima visoku stručnu spremu i ispunjava potrebne uslove da obnaša funkciju generalnog direktora agencije, te je suprotno članu 9. Zakona o zaštiti tajnih podataka BiH navedeni dopis i priloge uz isti označio stepenom tajnosti "Povjerljivo", iako se radilo o dokumentima koji po svojoj prirodi ne ispunjavaju uslove da im se dodijeli navedeni stepen tajnosti budući da diploma lica predstavlja javnu ispravu koja se odnosi na privatni status Osmana Mehmedagića kao fizičkog lica, i ne radi se o dokumentu agencije čije bi neovlašteno otkirvanje nanijelu štetu sigurnosti i interesima Bosne i Hercegovine, sve u namjeri da određivanjem stepena tajnosti "povjerljivo" na navedenim dokumentima ograniči uvid u ove dokumente i osigura da će isti u skladu sa članom 67. Zakona o zaštiti tajnih podataka BiH i članom 88. Zakona o obavještajno sigurnosnoj agenciji BiH biti vraćeni OSA BiH kao instituciji koja je odredila stepen tajnosti i onemogućiti dalje prosljeđivanje ovih dokumenata drugim organima i tijelima, i na taj način onemogućiti da se otkrije da je prezentovanjem neistinitih činjenica i isprava isti članove parlamentarne komisije doveo u zabludu u pogledu svojih ličnih kvalifikacija, te je članovima komisije dao obrazloženje da svi dokumenti u personalnim dosijeima uposlenika OSA BiH nose oznaku tajnosti "Povjerljivo", prešućujući da je akt kojim je istima dodijeljena oznaka tajnosti donio on lično neposredno nakon što je njegova diploma visoke stručne spreme poništena, a po okončanju Treće sjednice Zajedničke komisije za nadzor nad radom Obavještajno sigurnosne agencije BiH je lično ispred OSA BiH iz sigurnog područja Parlamentarne skupštine BiH preuzeo akt broj Akt OSA BiH – dokaz o stručnoj spremi, broj [REDACTED] 2020. godine u čijem prilogu se nalazila i diploma Američkog univerziteta u BiH na njegove ime, nakon čega navedeni akt nikada nije vratio u sigurno područje OSA BiH, a koje radnje su mu omogućile da nastavi sa obnašanjem funkcije za koju ne ispunjava zakonom propisane uslove kroz koju radnju je ostvario korist u vidu društvenog i službenog uticaja koji omogućava pozicija generalnog direktora Obavještajno sigurnosne agencije BiH, čime je nanio štetu ugledu Bosne i Hercegovine, kao i da za ovu dužnost prima novčanu naknadu u vidu primanja i prava po osnovu radnog odnosa za obavljanje kojih poslova nije imao zakonom propisane kompetencije za obavljanje istih, i to od decembra 2019. godine sve do razriješjenja sa navedene funkcije dana 27.02.2023. godine, na koji način je stekao korist i to za decembar mjesec 2019. godine u iznosu od 7.079,69KM, za 2020. godinu u iznosu od 85.323,93KM, za 2021. godinu u iznosu od 85.691,62KM, za 2022. godinu u iznosu od 90.605,45KM, za 2023. godinu u iznosu od 24.345,89KM, te je na ime ličnih primanja za vrijeme za koje je obnašao dužnost generalnog direktora OSA BiH, a za to nije ispunjavao zakonom propisane uslove isti ostvario novčanu korist na koju nije imao pravo u ukupnom iznosu od 293.046,58KM, za koji iznos je oštetiio budžet Bosne i Hercegovine,

Dakle, kao službena osoba u institucijama Bosne i Hercegovine, iskorištavanjem svog službenog položaja i ovlaštenja, odnosno neizvršivši svoje službene dužnosti, pribavio sebi korist u iznosu većem od 50.000KM, te nanio štetu državi Bosni i Hercegovini

Čime bi počinio krivično djelo Zloupotreba položaja ili ovlaštenja iz člana 220. stav 3. Krivičnog zakona BiH.

ODUZIMANJE IMOVINSKE KORISTI

Tužilaštvo predlaže da se od osumnjičenog, a shodno odredbi člana 220. stav 4. KZ BiH, oduzme imovinska korist u iznosu od 293.046,58KM.

T U Ž I L A C
TUŽILAŠTVA-TUŽITELJSTVA BiH